




# KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Volume 1, Issue 2

September 2004



Bishop Filomeno G. Bactol

## Mensahe

*Ang kusog sa Simbahan, anaa sa managsilingan!*

Mao kini kanunay ang atong gisangyaw diha sa atong pagmantala sa Gagmay'ng Kasilinganang Simbahan (BEC). Tinuod nga kung ang managsilingan dili magkaila ug layo ang buot sa usa'g usa, wala gayu'y katilingban nga mamugna. Apan kung ang managsilingan managkaila ug nanag-inambitay diha sa pag-ampo ug sa pag-alagad, nan buhi gayud si Kristo nianang maong kasilinganan. Dili ba siya mismo ang mipasalig: *"Kung duha o tulo kaninyo magkatigum sa akong ngalan, buhi ako diha kaninyo."*

Mao kini ang panglantaw sa atong Simbahan: nga walay usa ka igsoon nato nga mag-inusara sa pagtuo kay walay kahulugan kana nga pagtuo; kundilli mabuhi siya sa iyang pagtuo sa Ginoo taliwala sa paghigugma ug konkreto nga panag-inambitay diha sa iyang mga kasilinganan.

Apan dili usab buot ipasabot nga ang mamugna nga BEC perpekto na ug wala nay ikasaway. Dili. Kay ang kamatuoran mao nga kitang tanan mga huyang, ug ang pagkahuyang apil sa atong pagpaningkamot diha sa pagmugna sa Gagmay'ng Kasilinganang Simbahan. Ang mga mulo, panaglalis ug mga kahiubos apil sa proseso sa pagbag-o sa atong Simbahan. Mao nga kung anaa man kini nga mga mulo diha sa mga selda, ang hagit mao ang pag-atubang ug pagsulbad niini isip mga kristohanon, dili ang pagdagan ug pagpalayo sa imong katilingban.

Hinaut pa unta nga malig-on ug kanunay nga madasig ang matag-usa kanato diha sa atong pagpaningkamot sa pagbag-o sa atong katilingban subay sa mga pagtulun-an ni Kristo.

Bendisyonan unta kamo sa Ginoo sa kanunay.

Bishop FILOMENO G. BACTOL, D.D.  
ug mga Kaparian sa Naval



## Pamalandong sa EBANGHELYO

**Septiembre 5, 2004:** Ika-23 nga Domingo "Sulod sa Tuig"  
*Basahon:* Kinaadman 9:13-18/ Felimon 1:9-10.12-17/  
Lucas 14:25-33

### Tema:

Dili sayon ang matang sa pagkinabuhi nga gitudlo ni Jesus ngadto sa panon sa katawhan nga nagsunod-sunod kaniya. Siya mitawag kanila sa pagsalikway sa tanan. Kinahanglan wala kitay palabihon gawas sa atong gugma kang Cristo, bisan gani sila nga labing suod sa atong dughan. Kon buot kita nga ma-iyang tinun-an, kinahanglan nga pas-anon nato ang atong krus ug mosalikway sa tanan.

Makatarunganon ba kini? Makatarunganon gayod kini kay sagad wala na nato mapadayag ang kamapangahason nga gihulagway sa ebanghelyo nga maoy ilhanan sa tinuod nga sumusunod ni Jesus. Niining kalibutan nga gimandoan sa materyalismo, ang tawag ni Jesus nanginahanglan og masog-ong tubag. Gitultolan kita sa pagkaplag pag-usab - diha sa ebanghelyo – sa kabililhon sa grasya.

Kita gidapit sa pagsalikway sa tanan aron ngadto lamang sa usa ka tawo nato ibubo ang tanan tang pagbati: ngadto ra gayod kang Jesus. Mahisama kita sa atong gihigugma. Kon salapi ang atong gihigugma, mamahimo kitang nawong og salapi. Apan kon gihigugma nato si Cristo, mamahimo kitang mga anak sa Dios.

### Pamalandongi kini:

Ngadto sa unsa ug kang kinsa man nimo gibubo ang tanan mong pagbati?

**"Gaymay'ng Kasilinganang Simbahan: Hagit sa Pagbag-o sa Atong Kristohanong Katilingban"**

**Septiembre 12, 2004:** Ika-24 nga Domingo “Sulod sa Tuig”  
*Basahon:* Exodus 32:7-11.13-14/ 1Tim.1:12-17/  
 Lucas 15:1-32 (or Lucas 15:1-10)

*Tema:*

Sa makatulong higayon mabasa nato sa ebanghelyo niining Domingoha ang samang kalipay tungod kay nakaplagnan man ang nawala. Ang magbalantay nakakaplag sa iyang nawala nga karnero; ang babaye, sa iyang nawala nga usa ka dako; ug ang amahan, sa iyang nawala nga anak. Apan taliwala niining kalipay mipatigbabaw lang gihapon ang makaupat nga pagsaway sa mga magatudlo sa balaod ug sa mga Pariseo. Nakita man gud nila si Jesus nga miabi-abi sa giisip nga mga makasasala. Ug gani nakigsalo pa gayod siya kanila sa pagpangaon.

Sa panahon nga gisulat ni San Lucas ang iyang ebanghelyo, pipila sa mga magtutuo napungot tungod sa kasadya inigpasakop na sa mga hentil, sa mga pagano – ngadto sa kabanayan sa Simbahan. Ang ubang magtutuo, sama sa magulang, mohunong pagsulod sa mga pultahan nga ukab ngadto sa mga makasasala. Ang basahon sa mga Buhat sa mga Apostoles, nga sinulat usab ni San Lucas, nagmatuod niini.

Ang ika napulog-lima nga kapitulo sa ebanghelyo ni San Lucas nagpahinumdom lang nato nga ang pagsalikway ug ang pagkatig-a sa atong pagtagad sa uban gisupak gayod sa ebanghelyo.

*Pamalandongi kini:*

Kon adunay makasasala nga buot mobalik ngadto sa Dios, unsa may imong bation? Maglagot ka ba? O malipay ba hinoon? Basin baya og kusog ka usab nga manaway sama sa mga magtutudlo sa balaod ug sa mga Pariseo. Hinumdomi nga ang Simbahan pundok baya sa mga makasasala nga nanlimbasog aron masantos.

**Septiembre 19, 2004:** Ika-25 nga Domingo “Sulod sa Tuig”  
*Basahon:* Amos 8:4-7/ 1Tim.2:1-9/ Lucas 16:1-3

*Tema:*

Kon adunay ekonomikanhong krisis, mahangawa gayod ang tawo kon sa unsang paagi siya maka kwarta. Sa labing lisod nga sitwasyon, mabantayan nato nga adunay pipila nga maayo kaayong mopatigayon sa ilang dyutay’ng kwarta. Usahay makadayeg kita kanila sa ilang inantigong buhat.

Sa ebanghelyo karong adlaw, ang piniyalan nga gisumbong kay giusikan niya ang katigayonan sa iyang agalon nag-inantigo usab. Gipatawag niya ang mga nakautang sa iyang agalon ug iyang gipausab ang ilang listahan sa mga utang. Gidayeg siya ni Jesus dili tungod sa iyang pagkatikasan kondili tungod sa iyang inantigong buhat. Sa hamubong panahon sa wala pa siya taktaka sa iyang trabaho, gipahimudsan niya sa pagpakighigala sa mga nakautang sa iyang agalon. Tungod sa iyang gihimo, mahinumdoman gayod siya nila kon papahawaon na siya sa iyang agalon.

Ingon unta niini ang atong kamapahimuslanon sa atong mga pagpamuhad dinhi sa kalibutan aron mokaylap ang gingharian sa Dios.

Gihulagway ni Jesus ang kaantigo sa mga Kristyanos niining kalibutana. Tinuod dali kaayong makabuta ang bahandi sa kalibutan, apan sayod ang Kristyanos nga ang pagsimba ngadto lamang nila mahatag sa Dios. Sa ingon gibutang nila ang bahandi sa iyang tukmang luna. Dili man kini siya maoy tumong ug tuyo sa ilang pagkinabuhin dinhi. Kining bahandi usa lamang ka paagi o gamitonon. Ug ang mga Kristyanos mga piniyalan man lang sa bahandi sa agalon.



# KATILINGBAN

Ang pangayal nga nakatagan sa Baso: Ecumenical Communities (BEC) sa parokya sa Makil

## TEAM MINISTRY

*Team Moderator:* Bishop Filomeno G. Bactol, D.D.

*Team Members:* Fr. Marvyn A. Maceda  
 Fr. Benjamin C. Pantas  
 Fr. Jesus G. Ty  
 Fr. Kenneth Hendricks  
 Fr. Dario Bebillio

Salvador Castro  
 Ramises Bongabong  
 Doxia Canonoy  
 Catalina Machete  
 Reymund Icaín  
 Linda Roldan  
 Necitas Casado  
 Gualberto Tonelete

### Encoders:

Vinna Sabroso  
 Josephine Romero  
 Sonia Pitao

### Circulation Managers:

Jorge Manco  
 Danny Jayubo  
 Jonnel Quilaneta  
 Alfredo Olaer

### Business Managers:

Rizalito V. Curso  
 Conchita Calvez

*Computer Specialist*  
 Oscar O. Borrinaga

Wala gayod kanilay makaangkon sa unsay iya sa tanang tawo. Hinoon gamiton kining maong bahandi sa pagpalambo sa gingharian sa Dios.

*Pamalandongi Kini:*

Unsa man ang imong gipakabahandi niining kalibutana? Hinumdomi walay makapaulipon sa duruha ka agalon: sa Dios ug sa bahandi.

Gigamit mo ba ang imong mga gasa – ang imong panahon, mga talento ug bahandi aron pagpalambo sa gingharian sa Dios?

**Septiembre 26, 2004:** Ika-26 nga Domingo “Sulod sa Tuig:  
Basahon: Amos 6:1.4-7/ 1Tim.6:11-16/ Lucas 16:19-31

*Tema:*

Sa ebanghelyo karong adlaw, wala gayud gihulagway nga daotan ang maong datu. Ni gisaysay kanato nga si Lazaro nagsamok-samok kaniya sa pagsigig pangayog tabang nga sa kanunay iya usab nga gibalibaran. Tali kanila adunay dakong bungaw nga lisod tabokon. Kini mao ang bungaw sa walay pagpakabana ug sa tumang pagsalig sa kaugalingon.

Busa masabot nato ang pahimangno ni Jesus: “Pagkalisod gayod alang sa mga datu pagsulod sa Gingharian sa Dios. Mas lisod pa alang sa usa ka datu pagsulod sa gingharian sa Dios kay sa usa ka kamelyo paglusot sa lungag sa dagum” (Lucas 18:25).

Usahay makita nato sa pultahaan sa dagkong mga buhatan ang pahibalo: “Ginadili ang pagpangayog amot”. Unsa kaha kon ang samang pagdili makit-an didto sa ganghaan sa langit: “Mga datu ayaw na lang paghangyo.” Mao kini ang buot ihulagway ni San Lucas.

Wala ba diay kaluwasan ang mga datu? Sa pultahan sa gingharian walay datu ni kabus. Silang duha giluwat sa Dios pinaagi sa iyang pulong. Kanang maong pulong nagtug-an lamang ngadto sa tanang katawhan sa ilang suod nga pagkahilambigit. Ang mga datu diha sa ilang tumang pagsalig sa kaugalingon mabutahan sa mga Lazaro nga anaa sa ilang mga pultahan. Ang kaharuhay sa mga datu nga mga nasud mahimong makapabungol kanila sa siyagit sa mga kabus nga nasud.

Sa ilang pagpasagad sa mga panginahanglan sa kabus, sama ra nga ilang giabog ang ilang kaugalingon layo sa lamesa sa gingharian.

*Pamalandongi kini:*


Kanus-a man ang katapusang higayon nga ikaw mitunol og amot ngadto sa mga kabus? Hinumdomi kini: “Walay si bisan kinsa nga adunahan kaayo nga wala magkinahanglan sa uban, ni walay si bisan kinsa nga kabus kaayo nga walay ikapaambit ngadto sa uban.”

**Listahan sa mga BEC Presidents**

<u>LUGAR / BEC</u>	<u>PRESIDENTE</u>
1. AGPANGI - ANAS	- JULIUS CEZAR
2. AGPANGI - IMMACULATE	- ROSIE BAGALAY
3. AGPANGI - LOURDES	- DIONITO RONQUILLO
4. ATIPOLO - BASAK, ETC	- GENOVEVA DACER
5. ATIPOLO - CENTRO, ETC	- ZENAIDA PAGHUBASAN
6. ATIPOLO - LOWER ANAS	- MARIANO MADEJA
7. ATIPOLO - UPPER ANAS	- ALFREDO OBEJAS
8. BAGACAY	- ANGELINA TANDA
9. BORAC	- NENITAACERDIN
10. CALUMPANG - COGON	- BELEN TANCINCO
11. CALUMPANG - LOMBOY	- VICTORIA MADEJA
12. CALUMPANG - LOWER	- HIPOLITO BORLAZA
13. CALUMPANG - LUPA	- PATRICIA CASAS
14. CALUMPANG - MANGA	- JUJIT TABLATE
15. CALUMPANG - PURO BLISS	- GORGONIA ROSETE
16. CALUMPANG - SAN JUAN	- ESTELA AMADOR
17. CALUMPANG - UPPER	- ELISA MESIAS
18. CARAYCARAY - ILAWOD	- AQUILINO SANOZA
19. CARAYCARAY - RIVERSIDE	- TERESITA CASAS
20. CARAYCARAY - ZONE 1	- EDUARDO GAHUM
21. CARAYCARAY - ZONE 2	- TEOFILIO LEONES
22. CARAYCARAY - ZONE 3	- HELEN CORSO
23. CARAYCARAY - ZONE 4	- SOLOMON MEREZ, JR
24. CATMON	- REBECCA DE LA PENA
25. CATMON - BARAS	- CONSUELO INTROLESO
26. CATMON - MOKALBOCAL	- RENATO DAGAMI
27. HAGUIKHICAN	- MELANIA NARTIA
28. HAGUIKHICAN - SITIO ROSALES	- ALEX LUCERO
29. LARRAZABAL	- JOSE PITONG
30. LARRAZABAL - SAN ROQUE	- DIOSDADA REDOLOSA
31. LIBTONG DAKU	- ZALDY ESPINOSA
32. LIBTONG GAMAY	- NESTOR JADULCO
33. P.I. GARCIA - ROMBLON/BUTAY	- ANGELA QUIZON
34. P.I. GARCIA - TAKUNG	- CANDELARIA QUIBUEN
35. SABANG	- LIBRADO MACAPINIG
36. SAN PABLO	- CARLITO MARANGA
37. SAN PABLO - UPPER BIGAA	- REY JESUS TAGAULO
38. SMO ROSARIO - ZONE 3	- NESTOR MECARAL
39. STO. NIÑO - HOSPITAL DRIVE	- ILUMINADO SOLITE
40. STO. NIÑO	- JOVY BONGGO
41. STO. NIÑO - SABANG	- FLOREPIS PEPITO
42. TALUSTUSAN	- SERGIO MATUGAS
43. TALUSTUSAN - KAWAYANAN	- ARTURO SACLOLO
44. TALUSTUSAN - MAGTARAN-AN	- ERNESTO FELICIA
45. VILLA CANEJA	- MELCHOR ESPEDILLA

“Kinahanglan maila mo ang agalon aron ang  
Iyang huni kanimo mahimong bililhon”

# Balitang BEC



*Usa sa mga pasidungog nga nakuha sa parokya sa Naval sa gihimo nga contest. Nakuha usab sa parokya Naval ang unang ganti isip Most Outstanding Parish Pastoral Management Information System (PPMIS) nga may premyo nga usa ka completong set sa computer.*



## POWER OF YOUR LOVE

Lord I come you  
Let my heart be changed renewed  
Flowing from the grace  
That I've found in you.

Lord I come to know  
The weaknesses I see in me  
Will be stripped away  
By the power of your love

Chorus:  
Hold me close  
Let your love surround me  
Bring me near  
Draw me to your side  
And as I wait  
I'll rise up like the eagle  
And I will soar with you  
Your spirit leads me on  
By the pow'r of your love.

Lord unveil my eyes  
Let me see you face to face  
The knowledge of your love  
As you live in me.

Lord renew my mind  
As your will unfold in my life  
In living everyday  
By the pow'r of your love  
(Repeat chorus 2x).

And I will soar with you  
Your spirit leads me on  
By the pow'r of your love.

## GIVE THANKS

Give thanks with a grateful heart  
Give thanks to the Holy One  
Give thanks because He's given  
Jesus Christ His Son.

Give thanks with a grateful heart  
Give thanks to the Holy One  
Give thanks because He has given  
Jesus Christ His Son.

Refrain:

And now let the weak  
Say I am strong  
Let the poor say I am rich  
Because of what  
The Lord has done for us  
And now let the weak  
Say I am strong  
Let the poor say I am rich  
Because of what the Lord has done for us  
Give thanks, give thanks  
Give thanks, give thanks  
We give thanks



## Gitik-gitik sa Kinabuhi

## BAKIT

May usa ka probinsiyano nga naka-adto ug Manila. Gusto siyang mopalit ug Compact Disk (CD) nga may kanta sa iyang paboritong singer apan wala siya masayod sa insaktong titolo sa maong kanta.

Probinsiyano: Ali, pabili nang CD na may kantang "Simula't sa pol, mahal kita!"

Ang tindira, nga probinsiyana pud diay, naglibog ug wala gayod makakita sa maong kanta. Busa ningbalibad nalang, siya miingon:

Tindera: Noy! Sa palagay ko ay wala!

=====

## BALIK MENTAL

Diha sa usa ka mental hospital naghimo ug kataposang pag-suway ang tigdumala diha sa ilang pasyente. Ilang sutaon kung andam na ug angay na ba nga pagawason o papaulion ang napili nilang mga pasyente.

Busa nagsugo ang doctor sa iyang kaabag sa pag drowing ug gamay nga pultahan diha sa bongbong nga semento. Ug tuod man nagtinukmoray ug naglinya dayon ang mga pasyente sulod sa lawak kay naghinamhinam na nga mogawas. Samtang didto sa daplin, may usa ka pasyente nga kalma ra ug wala lang maggunok. Sa dakong katingala miduol kaniya ang doctor.

Doctor: Iho, nagkagubot na ang imong mga kauban kay gusto na nga mogawas ug mopauli. Apan ikaw, nganong wala man ka maggunok diha, dili ka ba gusto ng mogawas dinhi?

Pasyente: Gusto man dok. Pero dili na sila makagawas dinhi!

*Mapahiyumon si Doctor. Diha sa iyang hunahuna nga maayo na gyud ning usa niya ka pasyente nga wala moapil sa linya - dili na mauwat. Nangutana na usab siya.*

Doktor: Nganong dili man sila makagawas?

Pasyente: Ayaw lang sila pagtug-ani dok, kay dia sa ako ang yawe sa pultahan!



*Ang pormal nga pag-presentar sa mga natukod nga Gagmay'ng Katilingbang Simbahan (BEC) sa parokya sa Naval. Kini atol sa pagsaulog sa Fiesta sa Atong Inahan sa Santos nga Rosaryo sa lungsod sa Naval niadtong ika-5 sa Oktobre 2003, diin gihimo usab ang unang Parish Fellowship sa mga BEC Communities.*



## SUKARAN SA KASAMOK

Duha ka barko ang nagbangga sa Black Sea niadtong 1986, ug gatosan sa mga pasehero niini ang natambong sa dagat, ug nangamatay ang uban kanila. Makapasubo gayod ang balita sa maong aksidente kay nakita man sa imbestigasyon nga nahitabo kini tungod sa pagkagahi'g ulo sa tawo. Nasayran sa duha ka kapitan nga sila magbangga, ug mahimo unta silang molihay usa aron makalikay ang panagbangga. Apan wala kanilay gusto molihay. Ulahi na ang tanan sa dihang ilang naamgohan ang ilang kasaypanan.

Sumala kang Santiago, mas labaw pa niini ang kasamok ug kapildihan ang mahitabo diha sa relasyon sa katawhan tungod sa mao gihapong hinungdan (3:14-16). Buot natong ipasangil sa panaglahi sa relihiyon o politika ang mga problema sa kalibotan. Apan si Santiago nag-ingon nga ang gamut sa maong problema mao ang "hilabihang kasina ug kahakog" (3:14) nga naggikan sa garbo. Mao kana ang hinungdan sa pagkahulog ni Lucifer gikan sa langit (Isa. 14:12), ug sa pagkahulog ni Adan ug ni Eva gikan sa Eden (Gen.3:6).

Busa unsa may kasulbaran niini? Unsaon nato pagpugong sa pagpaninguha sa kaugalingong kaayohan ug sa garbo aron malikayan ta ang dagkong katalagman? Kinahangalan dawaton ta ang "kaalam nga gikan sa langit," ang kaalam nga "putli, ug unya makigdaiton, maaghop, mahigalaon, maluluy-on ug maayong binuhatan" (San.3:17). Kana ang timailhan sa pagpatigbabaw sa kahusayan – ug pagsalikway sa kasamok.#



Malipayon ug mahinamong nagpaabot didto sa Biliran bridge ang PFT sa pag-abot sa mga bisita atol sa pagsaulog sa ika-15 nga anibersaryo (Crystal Anniversary) sa pagkatukod sa Diocesis sa Naval.

## Mga pagtuluna-an luyo sa SUGILANON

Usa ka gamay'ng bata misaka sa atop sa ilang balay. Pag-abot sa atop, sa kalit lamang nadakin-as siya ug misugod siya pagdaus-us paubos. Sa pagtan-aw niya sa ubos, nakita niya ang daghan nga mga bato ug sigurado gayud nga maangol siya, mao nga dalidali niyang gitikyup ang iyang mga kamot ug nag-ampo: "Mahigugmaong Amahan, ayaw intawon ako pasagdi nga mahulug. Luwasa ako kay daghan ra ba ug mga bato sa ubos..."

Sa kalit lamang nasangit ang iyang karson didto sa dako nga lansang sa atop ug nahunong ang iyang pagdaus-us. Mihangad siya sa langit ug mapahiyumon nga nag-ampo pag-usab: "Ayaw na lang diay Lord, kay nasangit na man ko sa lansang!"

### PAGTULUN-AN:

*Tinuoray ug kinasingkasing ba ang imong pag-ampo?*

## BEC Bulletin

### SCHEDULE

BEC Presidents & Selda Alagad  
Fellowship-Meeting

September 18, 2004 (Saturday)  
Host BEC: Catmon Communities  
Venue: Catmon Chapel

September 19, 2004 (Sunday)  
Host BEC: Upper/Lower Anas  
Venue: Anas Chapel

October 3, 2004 (Sunday)  
Feast of Our Lady of the Holy Rosary  
GRAND PARISH BEC FELLOWSHIP

### BEC Anniversary Month of September

- September 6 - San Juan Village, Calumpang
- September 17 - Agpangi Lourdes
- September 19 - Sitio Cogon, Calumpang
- September 20 - Riverside, Caraycaray
- September 27 - Upper Calumpang
- September 28 - Sabang
- September 29 - Borac